

Div. *Cyllocoraria* Reut.14. *Zanchisme* <sup>1)</sup> *illustris* n. sp.

Elongatus, cum rostro, antennis pedibusque fuscis, capite, pronoto scutelloque nitidis, hemielytris obscurioribus, opacis, solum embolio apice late cuneoque toto nitidis, sutura clavi pallida, clavo basi fasciolisque 3—4, corio puncto mox ante medium fasciaque mox pone medium argenteo-squamosis; antennis articulo primo basi et interne, secundo et tertio apice, hoc anguste, tibiis apicem versus tarsisque basi pallide flavo-testaceis, coxis apice, trochanteribus basi que femorum posteriorum anguste albidis; capite ab antico viso oblongo-ovato, latitudine media frontis duplo longiore, a latere viso fortiter nutante, altitudine fere ( $\sigma$ ) vel vix ( $\rho$ ) duplo brevior, angulo faciali fortiter acuto; antennis articulo secundo latitudini posticae capitis ( $\sigma$ ) vel verticis ( $\rho$ ) longitudine subaequali, duobus ultimis simul sumtis secundo parum vel paullo longioribus, quarto tertio nonnihil longiore; pronoto latitudine basali fere nonnihil longiore, parte apicali constricta utrinque ante apicem spina magna laterali sursum et levissime antrorsum et extrorsum vergente armato, parte postica fortiter aequaliter gibbosa-elevata, quam spinis paullo altiore; membrana fumata, sutura ad cuneum tenuiter pallida. Long. 3, lat.  $\frac{3}{4}$  mm.

Mandeville.

*Z. dromedario* Reut. affinis, differt corpore longiore, capite multo longiore, minus convexo, spinis pronoti longioribus et acutioribus, parte ejus postica aequaliter tumido-convexa, etc.

15. *Falconia caduca* Dist. Var.

Differt a typo: capite, pronoto articulisque duobus primis antennarum totis albidis vel clypeo nigricante, hemielytris solum angulo interiore basali margineque adjacente corii nigro-fuscis, commissura clavi apiceque cunei tenuiter fuscis; metasterno segmentoque maris genitali nigro-fusco; femori-

<sup>1)</sup> *Zanchisme* Kirk. = *Schizonotus* Reut., nom. praecoc. Hoc genus in Ann. Soc. Ent. France LXI, 1892, p. 401 describitur.